

Sì accussì doce cu' mmé, ma je nun m' 'o merito
Chi t' 'o fa fá 'e vulè 'stu core gelido
Ce cride sempe ca p' 'o tiempo je miglioro
Ma so' sulamente bravo a fá poesie in A minore
Nun so' romantico, nun chiagno annanze ê film
Pe' tté muresse, ma p' orgoglio nun t' 'o dico
Pecché l' ammore m' hanno ditto ch' è na debolezza
E ca t' accide sempe chi te fa 'e carezze
Je te guardavo arret' ê vetre 'e na fenestra rotta
Sunnavo 'e stelle e t' 'o dicette: "Prima o poi t' 'e porto"
Tu 'o sapive ca je vincevo pecché ero cchiù forte
Ma nun me n' ero accorto

Sì bella e t' aggio fatto chiagnere
Mo ca staje ancora a tiempo lassame
Pecché t' ammierete chi tene tutto chello che vuó
No nu scemo ca tutt' 'e juorne cagna sempe l' ummore
So' nu bastardo dint' a ll' anema (Ehi)
Purtroppo l' uommene nun cagneno
Te fanno fessa ch' 'e prumesse
E si te spogliano ch' 'e chiacchiere
Dimane nun te chiammano, se scordano 'int' a n' attimo
No, nun te fidà manco 'e me (Manco 'e me)
Pecché sì na guagliona fragile
Avè 'a fiducia nun è facile (Nun è facile)
L' urdemo vaso e adoppo lassame, 'st' ammore già è incurabile
Scuordame pe sempe, è meglio si truove a n' ato
Ca nn' te pò amà comme facesse overo chi è 'nnamurato
Ll' ati guaglione manco 'e guardano (Nun 'e guardano)
L' urdemo vaso e adoppo lassame, 'st' ammore già è incurabile

T' 'o giuro, ll' ate nun so' comme te, nun so' niente
Pure si 'e parole meje mo so' chiacchiere ô viento
Nun me cride cchiù e forse faje buono, tiene tu ragione
Quanno dice ca 'int' â vita toja so' 'o problema maggiore
Tutta 'a stanza chiena 'e rose, voglio organizzà coccosa
Na sorpresa a ll' improvviso, sulo pe te di: "Te sposo"
'A foto 'ncopp' ê copertine, tutt' 'e riviste vonno 'o scoop
Guarda quanti paparazze, tutt' Italia parla 'e nuje

Sì bella e t' aggio fatto chiagnere
Mo ca staje ancora a tiempo lassame
Pecché t' ammierete chi tene tutto chello che vuó
No nu scemo ca tutt' 'e juorne cagna sempe l' ummore
So' nu bastardo dint' a ll' anema (Ehi)
Purtroppo l' uommene nun cagneno
Te fanno fessa ch' 'e prumesse
E si te spogliano ch' 'e chiacchiere
Dimane nun te chiammano, se scordano 'int' a n' attimo
No, nun te fidà manco 'e me (Manco 'e me)
Pecché sì na guagliona fragile
Avè 'a fiducia nun è facile (Nun è facile)
L' urdemo vaso e adoppo lassame, 'st' ammore già è incurabile
Scuordame pe sempe, è meglio si truove a n' ato
Ca nn' te pò amà comme facesse overo chi è 'nnamurato
Ll' ati guaglione manco 'e guardano (Nun 'e guardano)
L' urdemo vaso e adoppo lassame, 'st' ammore già è incurabile